



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გარიძეების სამაროვანი

გარიძეების სამაროვანი, VI-VII სს. არქეოლოგიური ძეგლი. აღმოჩენილია 1982 სოფ. გარიძეების მახლობლად (თიანეთის მუნიციპალიტეტი), მდ. ქუსნოს სათავეებთან. მიკვლევულ ქვის სამარხში აღმოჩნდა: სარდიონის სასანური გემა, მძივები და 2 მონეტა. ელიფსური ფორმის ნარინჯისფერი სარდიონის საბეჭდავი, რ-საც აქვს ზონრის გასაყრელი ნახვრეტი. საბეჭდავის პირზე გამოსახულია წვერიანი მამაკაცის ბიუსტი პროფილში. მეფე კავადის ვერცხლის დრაქმები მოჭრილია VI ს. დასაწყისში სასანური ირანის ორი სხვადასხვა პროვინციის ბარაფხანებში. მასალა ინახება საქართვე. ეროვნ. მუზეუმის ს. ჯანაშიას სახ. საქართვე. მუზეუმში.

ლიტ.: ნ ო ნ ე ლ ი ა მ., სასანური წარმოშობის მასალა სოფ. გარიძეებიდან, {ძეგლის მეგობარი}, 1985, №70.

მ. ნონელია

ბ. ჯორბენაძე
